



МЕСЯЦА АПРЕЛЯ В 4-Й ДЕНЬ

Преподобных отец наших
Иосифа Песнопisca и Георгия,
иже в Мален

НА ВЕЧЕРНИ

Стихиры, глас 2.

Подобен: Егда от Древа:

Взял еси на рамена крест, / и распялся еси
миру, / и последовал еси стопам Создавшего
от небытия вся, / Божию Словоу, якоже рече, /
любовь же житейскую / и всяко пристрастие
оттряс; / отонудуже и добродетельми просияв, /
детельми же Божественными / наследие вечное,
отче, восприял еси.

Труба явился еси таинственная, / к духовному
пению вся воздвигуши, / цевница же Богодвижи-
ма, / Божественныя полки восхваляюши, / славя-
щи вся святые / и сих победы проповедаюши. / Ты
бо от источник спасительных / бездну почерпл еси
словес, / Божий дом напоющу.

Явился еси сокровище добродетелей, / вся, яже в
житий Богу благоудившия, / любовью распал-
емь, взыскал еси, / поя священными песнями, / и
сих верою Божественным исправлением под-
бися; / иже причастник быв Божественным
образом, / показался еси и наслаждения сопри-
частник.

Ины стихиры свягo Георгия, глас 1.

Подобен: Небесных чинов:

Воздержанием страсти, отче Георгие, / помыслу поработил еси, / безстрастия быв красен, преблаженне, сосуд, / вместителен животным сиянием, / и потребитель демонов, / и страстей врач досточудне.

Чистая мироположница Божественнаго Духа, / чудес источник, / монашествующих столп, / краткий и краткаго Христа подобник, / земный Ангел и Небесный человек быв, / да восхваляется ныне Георгий.

В безмолвное пристанище / устремив душевный корабль, / житейских мятёжей, / яко от волн морских, отбег, / иже к Богу мановеньми от земли возлетел еси / и явился еси, с плотию Ангелом подобен.

Слава, и ныне, Богородичен:

Яко помощь Ты еси беспомощных человек, / яко надежда еси всех ненадежных / и решило, Богородице, лютых, / Помощница ми буди, / от грех и бед, яко Милостива, / избавляющи мя, Пречистая.

Крестобогородичен:

У Креста предстоящи Сына и Бога Твоего / и долготерпение Того смотряючи, / глаголаше, плачуши, Мати Чистая: / увы Мне, Чado сладчайшее, / что сия страждеша несправедно, Слове Божий, / да спасеши человечество?

Канон, глас 2.

Песнь 1

Ирмос: Грядите, люди, / поим песнь Христу Богу, / раздельшему море и наставльшему люди, / иже изведе из работы египетския / яко прославися.

Песенно песнопisca почтим, / иже того медоточныя песни поюще, Иосифа, / яко от пений в песни вечныя преставльшася.

Якоже пророк и апостол проповедание всю землю освети, / тако и пение твоих устен, / мир к славе всех Бога возставляет.

От младенства возложився, Иосифе, Христу,
постнически пожил еси, / отонудуже и дарованными
тя обогати Божественными, / надежду, и любви,
и верою чистою.

Богородичен: Тя пророческое древле Божественное слово дверь Божию провозвести / и гору святую, Богородице Дево, / Божественных страдальцев удобрение.

Канон святого Георгия, егоже краеграние:
Твоя усердно, о отче, пою болезни.

Песнь 1, глас и ирмос тойже

Трисианною Богоначальною светлостью просвещен, преподобне, / мир оставил еси и страстей мглу / и житием светлейшим, отче, украсился еси.

Наставлен быв Божественным промыслием, Георгие, / к Небеси ведущую стезю шествовал еси, / помощника стяжав единого Благодетеля и Всещедраго.

Богом, блаженне, яве управляемь, / сынотворения благодатию освящаемь, / совершил еси, отче, преподобно и праведно жителство.

Богородичен: Твоим утверждением и заступлением обогатяшися, Богородицу, Пречистая, исповедающе Тя, / от треволнения житейскаго, Всенепорочная Дево, спасаемся.

Песнь 3

Ирмос: Утверди нас в Тебе, Господи, / Древодом умерщвлей грех, / и страх Твой всади / в сердца нас, поющих Тя.

Чистоты любовью Бога умолил еси подати помощники / и, прием неоскудныя отцы твоя, / получил еси, отче, надежду твою.

Любве истинныя показуя познание, / и дом, и деяние, и мудрость, от Бога дарованная тебе, / якоже дверь Иов, всем отверзл еси.

Варварскими руками ят быв, пребогате, / якоже древле во Египет доблий Иосиф, / с верою и чистотою дар соблюл еси.

Богородичен: Рай красный, посреде имеяй Древо, Дево, нетления, / Иисуса Христа Господа, / позналася еси, темже Тя ублажаем.

Ин, ирмос тойже

Ты стезю жизненную, в безконечный век, всеблаженне, пребывающую, / неуклонно, радуясь, шествовал еси / и во обители вечныя вселился еси.

Житие твое светло / и слово, солию Божественно в Дусе растворено, показася, Георгие, / земледелания Божественнаго Божественный сад.

Сын Божий ты крещением быти, всеблаженне, сподоблен, / отеческое наследил еси сокровище, жития чистотою.

Богородичен: Утверждение буди, и прибежище, и покров, Дево Богородительнице, / верою к Тебе прибегающим / и Божию Тя Матерь проповедающим.

Седален, глас 4.

Подобен: Явился еси днесь:

Явился еси кроток и молчалив, смиренномудр, / трепеща Божественных словес, / твоего Владыки слово исполняя, / Иже на тя, отче, призре / и в Вышнюю обитель всели.

Слава, ин седален Георгия, глас 3.

Подобен: Красоте девства:

Краснейшаго Христа возжелел еси и телесныя страсти возненавидел еси, / ангельски на земли, Георгие, пожив. / Темже святое твое празднуем успение / и облобызаем раку мощей твоих, / из неяже нам точиши исцеления, отче, / любовью чтущим тя.

И ныне, Богородичен:

Яко невозделанная, Дево, лоза, / краснейший Грозд прозябла еси, / источающ нам вино спасения, всех веселящее души же и телеса. / Темже яко вино Тя добрых блажаше присно, / со Ангелом вопиём Ти: / радуйся, Благодатная.

Крестобогородичен:

Неискусобрачная Чистая и Мати Твоя, Христе, / видящи Тя, мертва висяща на Кресте, / матерски плачущи, глаголаше: / что Тебе воздаде еврейский

беззаконный собор и неблагодарный, / иже многих и великих Твоих, Сыне Мой, даров насладивыйся? / Пою Твое Божественное низхождение.

Песнь 4

Ирмос: Услышах, Господи, / слух Твоего смотрения / и прославих Тя, / еди́не Человеколю́бче.

Разсуждение разумно и монахов умеренное правило / Христос показа́ ты, отче преподобне.

Смирения мост твоё показа́л еси́, Богомудре, жити́е, / преводя́щ ко и́стинней жи́зни.

Предварив, ублажи́ ты Влады́ка, отче, / я́ко даю́ща во вре́мя сло́ва пше́нчное ме́рение.

Богородичен: Свет возсия́л еси́, Господи, / су́щим в но́щи и тьме прегреше́ний, / от Чи́стыя Де́вы во чре́ве носим.

Ин, ирмос тойже

Испещре́н добро́тами добродете́ли и нра́вы светоно́сными, / к Бо́гу возлетел еси́, отче Гео́ргие.

Теку́щих, отче Гео́ргие, смущения́ убежа́л еси́, / к ти́шине боголюбе́зным жити́ем претворя́ся.

Беззако́ния пото́цы твою́ ду́шу не возмого́ша смутити́, / сла́дости бо пото́цы тебе́ напои́ша.

Божественным поучением, премудре, всегда́ внима́я, / непостоя́нная помышле́ния отря́нул еси́, отче Гео́ргие.

Богородичен: Песносло́вяще, Чи́стая, во утробе Твое́й Воплоще́ннаго, / и Тя славосло́вим, я́ко Богома́терь.

Песнь 5

Ирмос: Све́та Подáтелю и веко́в Тво́рче, Госпо́ди, / во све́те Твои́х повеле́ний наста́ви нас: / ра́зве бо Тебе́, ино́го бо́га не зна́ем.

И́же на земли́ съи́, святы́х воспел еси́ ве́рно, преподобне, / с ними́ съи́ ны́не, слы́ша пения́, радуеши́ся, / сла́вя непреста́нно Госпо́да.

К покая́нию и испове́данию, мудре, вся привлача́, / себе́ написа́л еси́ вся́ку вину́, / моли́твы Бо́гу прино́ся́ уллучи́ти прощание́.

Все жити́е твоё, святы́ми упражня́ся дея́ньми, / я́ко и́стинен купец, был еси́, / я́ко ка́мение че́стно, и словеса́, и дея́ния себе́ собира́я.

Богорóдичен: Избáви ны от искушéний и бúри помышлéний, Чíстая, / всякаго гнéва, всякаго грехá, глада же, и па́губы, / и вéчнаго, Дéво, мучéния.

Ин, ирмóс тóйже

Блажéнство и безсмéртную жизнь получил еси́, óтче мúдре, / Божéственными восхóды сходя́, всеблажéнне, / надежду, любóвию и véрою укрепля́емь.

Укращáяся смире́нием благосты́нным, преподóбне, / к высотé я́ве вознéлся еси́ добродéтелей, Богомúдре, / земледéлания Божéственного быв гумно́.

Тéла истощáние воздержáнием опáсно показáл еси́ / и чíсто сéрдце стяжáл еси́, / ýмже сподóбился еси́ видети́, óтче, всéми Невíдимаго.

Богорóдичен: Я́ко непосты́жное и неудобозр́имое всем, Влады́чице, / éже пáче умá та́инство, Отрокови́це, Божéственного рожде́ства Твоего́: / сущаго бо вой́стинну Бóга нам родила́ еси́.

Песнь 6

Ирмóс: В бéздне грехóвней валя́ясь, / неизслéдную милосéрдия Твоего́ призывáю бéздну: / от тли, Бóже, мя возведи́.

Пестрóтным мно́жеством пéсней твои́х, / я́ко на твёрди, Цéрковь Христо́ва, звездоявлéнно проси́явши, / дрема́ние отгоня́ет душегубное.

Словесé твоего́ мо́льба, преподóбне, / душе́ю скорбя́щим и тéлом, / я́коже некая́ гýба, всякую очища́я печáль, яви́ся.

А́лчушим слóва спаси́тельнаго / и телéсными упита́вшимся озлоблéнии, / сугубо, преподóбне, исцелéние незави́стно подáл еси́.

Богорóдичен: На пу́ти мя жити́я блудя́ща / и в безпу́тия ча́сто впа́дающа грехми́, Влады́чице, / на пока́яния стезю́ наста́ви.

Ин, ирмóс тóйже

Лука́вых духóв отгони́тель тепл яви́лся еси́, пресла́вне óтче Геóргие, / Свята́го Дýха содей́ством я́ве укрепля́емь.

Безстра́стия украше́н дарова́нием, / целому́дрия
ризо́ю, Гео́ргие, пресве́тло оде́ялся еси́, / страсте́й
отгна́в смущэ́ние.

Пла́менное ору́жие прешéл еси́, му́дре, / и рай-
ския сла́дости сподо́бился еси́, / крэ́стным, Гео́р-
гие, обложе́н ору́жием непобе́димым.

Богоро́дичен: На Тя упова́ние возложих, / Ма́ти
Присноде́во, спасэ́ния моего́ / и Тя предста́тельны-
цу полага́ю жи́зни моея́ твёрду и непоколебиму́.

Конда́к, глас 4.

Подобен: Вознеси́йся:

Покая́ния исто́чник неисчерпа́емый, / утешэ́ния
пода́тель неконча́емаго / и умилэ́ния пучи́на
еси́, Ио́сифе, / слэ́зы нам пода́ждь покая́ния Божэ́-
ственнаго, / ýмиже утешэ́ние, zde пла́чущесея, /
обря́щем от Бо́га, / твоея́ по́мощи прося́ще, свя́те.

Песнь 7

Ирмо́с: *Ветии яви́шася отроцы́ любомудре́йшии
дре́вле, / от Богоприятны́я бо ду́ши, богосло́вяще
устна́ми, пояху: / Пребоже́ственный отце́в и наш
Бо́же, / благослове́н еси́.*

Потща́лся еси́ и по сне сме́ртнем затворэ́ны
душе́вныя о́чи твоя́ не имэти, / поэши бо пэ́сни с
пою́щими: / Пребоже́ственный о́тец на́ших Бо́же,
благослове́н еси́.

Вене́ц мучэ́ния прия́л еси́, / я́ко ублажи́в при-
ле́жно ли́ки му́ченик неисче́тных. / И немол́чно,
о́тче, поэши с ни́ми: / Пребоже́ственный о́тец
на́ших Бо́же, благослове́н еси́.

Исцеле́ние грехо́в вели́ких я́ко съй, / э́же, пре-
му́дре, испове́дание положи́ пою́щим, о́тче, пэ́сни
твоя́: / Пребоже́ственный о́тец на́ших Бо́же, благо-
словэ́н еси́.

Богоро́дичен: *Све́та Твоего́, Богоро́дице Де́во,
чи́стыми облиста́нии / омрачи́вшуюся ду́шу мою́
лука́выми лю́те преступле́ньми све́том наста́ви, /
дверь су́щи Све́та, / я́ко да песносло́влю Тя.*

Ин

Ирмо́с: *Образу злато́му, на по́ле Де́йре служи́му, /
три́е Твои́ отроцы́ небрего́ша безбо́жнаго велé-*

ния, / посреде́ же огня́ ввѣржени, ороша́еми, по-
я́ху: / благословѣн еси́, Бо́же оте́ц на́ших.

Укрепи́в ду́шу си́лою Христо́вою, о́тче Гео́ргие, /
Того́ держа́вою отгна́л еси́ тебе́ ненави́дящих
полки́, / сия́ Кресто́м устраши́в, ѿмже соблюда́емъ
пел еси́: / благословѣн еси́, Го́споди, Бо́же оте́ц
на́ших.

Блаже́н еси́, и добро́ тебе́ бу́дет ны́не, пребла-
же́ннейше, / восприѣмлю́щу болѣзней твои́х и под-
виго́в воздая́ние / и со А́нгелы вопи́юще Го́споде-
ви, Гео́ргие: / благословѣн еси́, Го́споди, Бо́же оте́ц
на́ших.

Был еси́ свѣтло жили́ще Христо́во, / престолъ
чу́вствия, о́тче, быв и му́дрости, святѣ́ни испол-
нен, / ве́рою же и благода́тию сия́я, и зовѣ́й,
Гео́ргие: / благословѣн еси́, Бо́же оте́ц на́ших.

Богоро́дичен: Свѣщникъ Свѣта, и о́блакъ свѣтел, / и
свяще́ния мѣсто показáлася еси́, Неискусобра́ч-
ная, / святѣ́х бо Святое́ Сло́во при́яла еси́ нескá-
занно, / Егóже пою́ще, вопи́ем Ти: / благословѣ́нна
Бо́га плóтию ро́ждшая.

Песнь 8

Ирмо́с: В пещь о́гненную ко отро́комъ еврейскимъ
снизше́дшаго / и пла́мень в ро́су прело́жшаго
Бо́га / по́йте дела́, я́ко Го́спода, / и превозно́сите во
вся ве́ки.

Якоже мимотеку́щую сень, ны́нешнюю по́истин-
не жизнь ве́дый, / нетле́нную при́яти подвизáлся
еси́, му́дре; / сегó ра́ди честны́я монасты́ри мно́же-
ства назда́л еси́ душáм на спасѣ́ние.

К кро́тким правоту́ и ду́хом ни́щаго имѣя́й, /
му́жество показáл еси́ вся́ко, / я́коже не еди́наго
себе́ утвержда́ти, работати Зижди́телю, о́тче, / но
всех, тебе́ зря́щих.

Незло́бие твоѣ́е и излия́ние любве́ твоея́,
треблаже́нне, / о́браз поста́ви Человеколю́бца
Христа́, / к Немúже непреста́нно пел еси́: / превоз-
но́сим во вся ве́ки.

Богоро́дичен: О, та́инства стра́шна! / О, слы́шан-
ня ужáснаго! / Ка́ко Де́ва нескáзанным соединѣ́-
нием уподо́бльшагося нам Сло́ва ражда́ет, / пребы-
ва́ющи, я́коже прѣ́жде рождества́, Чистá во ве́ки.

Ин, ирмос тойже

К неразрѣимей жѣзни, к неувядающей сладости, отче, преставился еси / к присносущней славе и к невечернему Свету: / Божие бо показался еси делание, / Егбоже превозносим во веки.

Яко раб Христов, яко слуга верен и строитель Того таин, / яко непрелестен путевождь, был еси, Георгие премудре, / страсти врачуя душ же и телес.

Полн пощения плод к гумну Христову, отче, принеслся еси, / якоже зрел грозд, Небесными точилы, преблаженне, изгнелся еси, / умиления вино источаеши нам в твоей памяти.

Богородичен: Чрева Твоего Плод нетленные мне жѣзни виновен явися / и сладости присносущныя, Богородительнице Чистая. / Темже Ти зову, веселяся, Архангелов глас: / радуйся, Дево.

Песнь 9

Ирмос: От Бога Бога Слова, / неизреченною мудростию пришедшаго обновити Адама, / ядию в тление падшаго люте, / от Святыя Девы неизреченно воплотившагося нас ради, / вернии единомудренно песнями величаем.

Добродетелей образы, яко на скрижали, написав чистей души твоей, / детельне всем святым принесл еси, / сугубо коейждо от добродетелей пения внес, / достопривно принося от дел и похваление.

Ангельстии лица, апостольский собор, / Богородица со Крестителем, пророческое сословие, / священник чинове с постники, мученическая воинства, Иосифе, / противомерными похвалами ты ныне венчают.

Словесное твое стадо поминати не престаи, / но, якоже жив, представляствовал еси, мудре, / сиче жизнь нетленную подай буди, / телесных страстей и душевных изымая, отче, / ко Христу молитвами твоими.

Богородичен: О нас молящи Сына Твоего не престаи, Дево, Человеколюбца Бога: / Ты бо надежду стяжашом и Твоим заступлением избавляемся бед, и страстей, / и прегрешений, и болезней, верую Тя славящи.

Ин, ирмос, тойже

Укрепляемъ верою и Христовою силою, всеблаженне, огражден твердо, / сети демонския разорил еси / и, сих ловлений и коварств всех отбег, / Владыце всех предстоиши, радуяся.

Все желание твое, блаженне, к Богу принося / и Божественныя наслаждаясь доброты, / еже всяко естество желает, видением, и деянием, / и жития светлостию себе украсил еси, отче, / темже ты ублажаем.

О нас, верою твою память совершающих, / Христа моля прилежно, отче, не престаи, / спасти-ся нам напастей, и треволнения, и бури, и бед, и страстей / и мир миру даровати, преблаженне.

Богородичен: Воплощенное Слово, еже прежде без плоти суще, яко Бог есть от Бога, / родила еси, еди́на Всепетая, на обновление и спасение всех земнородных, / темже, вернии, Ты вси песньми величаем.

Преподобный Иосиф Песнописец родился в Сицилии в благочестивой христианской семье в конце VIII — начале IX века. Отрок воспитывался в духе смиренномудрия и благонравия, преуспевая как в учении, так и в добродетелях кротости и воздержания, с детства предпочитая пост и молитвенное уединение играм и забавам, столь соблазнительным для его сверстников. Нашествие варваров на Сицилию вынудило семью преподобного покинуть родину и искать пристанища в Пелопоннесе. Почувствовав в себе призвание к служению Господу в иночестве, Иосиф в пятнадцатилетнем возрасте оставил родительский дом и ушел в Фессалоники, где принял монашеский постриг в Солунском монастыре. Тело, изможденное постом и долгими бдениями, руки, утруждаемые непрерывной работой, лицо, сияющее и кроткое, с молитвой на устах — таким был облик юного подвижника, быстро снискавшего любовь и уважение братии. Подстилка из грубой кожи, брошенная на землю, служила ему постелью, ветхое рубище — одеждой, черствый хлеб с водой — пищей. Воздержание и молитвенное усердие, чтение Священного Писания и святоотеческих творений духовно укрепля-

ло и умудряло инокa. Через некоторое время он был посвящен в сан пресвитера, по настоянию игумена и братии монастыря. Произошло так, что преподобный Григорий Декаполит († 816; память 20 ноября), посещая Солунскую обитель, полюбил преподобного Иосифа как мужа совершенного и, привязавшись к нему душою, не хотел больше разлучаться с ним. Он просил игумена отпустить с ним Иосифа в Византию, куда он направлялся сам, чтобы укрепить верных. В то время в Константинополе пришел к власти Лев Армянин, стяжавший печальную славу иконоборца и гонителя православных. Многие христиане, в том числе и сам Патриарх, смущались духом и соблазнялись ересью. Преподобные Григорий и Иосиф, прибыв в Константинополь, в самую пучину смуты, проповедовали повсюду: и в домах, и на городских площадях догмат иконопочитания, духовно окормляя и поддерживая верных против еретиков. Однако нестроения и ересь продолжали волновать Константинопольскую Церковь. Тогда преподобный Григорий и другие иноки решили направить посланника в Рим с просьбой о поддержке, поскольку Римский Папа Лев III, будучи независимым от византийско-

го императора, мог оказать большую помощь против иконоборчества. Посланником был избран Иосиф, отличавшийся даром красноречия и особой стойкостью в вопросах веры. Преподобному Иосифу не суждено было добраться до Рима: в дороге он был схвачен разбойниками-арабами, которые были подкуплены иконоборцами, отправлен на остров Крит и предан в руки еретиков, заключивших его в темницу. Преподобный принял это испытание со смирением и радостью. За все время своего тюремного заключения он не пал духом и не роптал на выпавшие ему лишения и скорби, но, напротив, устремляясь душою горé, возрастал духовно и поддерживал своим личным примером, мудрым наставлением и горячей молитвой других узников. Среди них оказалась и один православный епископ, едва не впавший в грех отступничества. Молитвами и наставлениями преподобного Иосифа он настолько утвердился в истине, что сподобился мученической кончины, которую принял достойно и радостно. Шесть лет провел преподобный Иосиф в темнице, радуясь о Господе и благословляя мудрые суды Его. По истечении этого срока, в ночь накануне Рождества Христова, император Лев Армянин был убит своими же воинами. В тот же час преподобный Иосиф чудесным образом узнал в критской тюрьме о гибели гонителя: во время праздничных рождественских песнопений и молитвостояний его вдруг осиял Свет Небесный, и некий боголепный муж, облаченный в святительские одежды, предстал пред ним с известием, что нечестивец убит, а гонения на святые иконы прекращены. Святитель Николай Мирликийский, а это был он, протянул преподобному свиток и сказал: «Прими этот свиток и съешь его». В свитке же было написано: «Ускори, Щедрый, и потщися яко Милостив на помощь нашу, яко можеш, хотяй». Преподобный Иосиф съел свиток со словами: «Коль сладка гортани моему словеса сия». Святитель Николай велел ему пропеть сказанное, после чего оковы сами упали, двери распахнулись, а преподобный Иосиф был восхищен на воздух и поставлен близ Константинополя, на большой дороге, ведущей в город. Преподобный Гри-



горий Декаполит к этому времени уже почил, так что святой Иосиф застал в живых лишь его ученика — блаженного Иоанна (память 18 апреля), который тоже вскоре преставился. Преподобный Иосиф построил храм во имя Святителя Николая Чудотворца, куда перенес честные мощи преподобных Григория и Иоанна, а при храме основал монастырь. Получив от одного благочестивого мужа часть мощей святого апостола Варфоломея, преподобный Иосиф воздвиг храм во имя святого апостола. Он хотел почтить его память хвалебными песнопениями, но таковых не оказалось среди церковных молитвословий. Сорок дней и ночей провел преподобный Иосиф в сокрушении об этом, слезно молясь Господу, чтобы Он просветил и помог приготовиться к празднику памяти святого апостола. Молитва преподобного была услышана. В навечерие праздника ему явился в алтаре апостол Варфоломей, который, возложив ему на грудь Святое Евангелие, благословил писать церковные песнопения: «Да благословит тебя десница Всесильного Бога, и да изольются на язык твой воды Небесной премудрости: сердце твое да будет храмом

Духа Святого, и песнопения твои да усладят вселенную». Сказав это, апостол Варфоломей стал невидим. Уста преподобного Иосифа вдруг духовно отверзлись, он исполнился особой благодати и неизреченной радости. Споспешествуемый Духом Святым, с легкостью написал он канон святому апостолу, а потом и другим угодникам Божиим. В их сонме сиял и святитель Николай Чудотворец, которого преподобный Иосиф почтил торжественными песнопениями, и Сама Пречистая Богоматерь. Так преподобный Иосиф украсил Святую Церковь «песнями красными», за что и получил от нее имя Иосифа-песнописца.

Испытания, выпавшие на долю преподобного, еще не кончились. Во время царствования Феодила-иконоборца святой Иосиф-песнописец вновь был изгнан за смелое исповедничество и открытое обличение ереси, на этот раз в Херсон. Здесь преподобный Иосиф пребывал в узах до смерти злостивого императора, продолжая славословить Господа, смиренно и безропотно претерпевая страдания. Смерть еретика и воцарение императрицы Феодоры возвратили Иосифа из изгнания в Константинополь, где, по настоянию Патриарха Игнатия, он стал сосудохранителем собора в честь Святой Софии, Премудрости Божией. Через некоторое время преподобный Иосиф вновь стал жертвой несправедного притеснителя, преследуемый на сей раз за открытое обличение брата императрицы Варды в незаконном сожителстве. Смерть Варды избавила преподобного Иосифа от уз. Патриарх Фотий поставил его духовником константинопольского клира, именуя святого Иосифа-песнописца не иначе как «человеком, Божиим», ангелом во плоти и отцем отцов. За свою многотрудную скитальческую и страдальческую жизнь, за время своего стойкого и верного исповедничества Христовых истин преподобный Иосиф стяжал не только духовный опыт иноческого внутреннего делания, не только глубинное знание души человеческой, но и благодатный дар прозорливости. Исповедуя того или иного человека, преподобный Иосиф видел, как на ладони, его

грехи, порой скрываемые неосознанно или по ложному стыду. Святой отец умел так размягчить сердце грешника, что оно исполнялось слезами истинного покаяния, и человек уходил с исповеди обновленным, умиленным и готовым к благодатной жизни в Господе Иисусе Христе.

Преподобный Иосиф не только не утаил дарованные ему Господом таланты, но приумножил их, посвятив свой дар литургическому и гимнографическому творчеству. Феофан, один из учеников святого Иосифа-песнописца, свидетельствует о той легкости и свободе, с какой преподобный составлял святые песни: казалось, он «не сочиняет новое, а напоминает забытое». Перу преподобного принадлежат труды, вошедшие в Триоди — Постную и Цветную, в Минеи и Октоих. Он написал 30 трипеснцев, 6 четверопеснцев и 175 канонов, то есть почти половину всех произведений подобного рода, вошедших в Богослужебные книги: наиболее известные из них — канон Божией Матери, при Акафисте, канон на Вознесение Христово, канон Покаянный из Октоиха. В жизни преподобного Иосифа, равно как и в его творениях сияет нам свет Христов, просвещая помраченные помыслы и укрепляя слабые души. Много было дано Господом святому Иосифу-песнописцу, многое было ему открыто, в том числе и срок его земной жизни. Он уже знал о своей кончине, постигшей его на Светлой седмице 883 года. Еще в Великую пятницу преподобный Иосиф составил опись всего вверенного ему церковного имущества и отослал ее Святейшему Патриарху Фотию. Сам же, готовясь отойти ко Господу, причастился Святых Христовых Таин и, воздев к Небу руки свои, со светлым и радостным лицом предал Богу свою святую душу. Один из друзей преподобного, находившийся неподалеку от места, где почил святой Иосиф-песнописец, сподобился увидеть, как лики святых во главе с Божией Матерью встречали его душу и сопровождали ее отшествие от земли на Небо. Это были лики тех святых, жизнь и страдания которых преподобный Иосиф прославил в своих духовных песнопениях.

Преподобный Георгий жил в IX веке. Он был иноком и совершал иноческие подвиги в обители на горе Малее в Пелопоннесе, где и завершил

свой земной путь. В службе преподобный Георгий воспевается как земной Ангел и чудотворец.



В
ТОЙЖЕ
ДЕНЬ

Празднование Пресвятёй Владычице нашей Богородице ради иконы Ея, нарицаемая «Избавительница»

ВЕЧЕР

На Господи, воззвах: **стихиры, глас 4:**

Днесь во гласе хвалёбнаго пения / благодарение приносим Тебе, Пресвятая Дево, / яко Твоею святою иконою избавила еси / прибегшия к Тебе с верою / лютых зол и недугов, / демонскаго мучительства, всепоядающаго пружия* / и умершаго отрока оживила еси, / Ты бо еси рабов Твоих Избавительница от всех бед.

Величаем милосердие Твое, Богородице, / и явленную верным благодать / от честнаго Твоего образа, / емуже со благоговением поклоняющися, / молимтися прилежно: / щедроты Твоя даруй нам, / покрывающи обитель сию, Гору, Россию / и повсюду православныя от всякаго зла, / Ты бо еси рабов Твоих Избавительница от всех бед.

Яже всем благосострадательная в скорби / и в печали помогающая, / Тя, Богородительнице, с верою призывающим, / умилосердиться потщися сущим во обстояниих / и заступи, Благая, притекающим ко иконе Твоей, / спасаючи всемошным Твоим предстательством, / Ты бо еси рабов Твоих Избавительница от всех бед.

Слава, и ныне, глас 1:

Гору Твою, Владычице, / вертоград духовный соделала еси / и благоутешное пристанище, / да приходящих к Тебе семо / обуреваний житейскаго

* пружие — род саранчи

моря избавляются / и в безмятежии благоугождают
 Господеви, / милостивно бо печешься о рабех
 Твоих / и вся, яже ко спасению, пользе и утешению
 нам устроиши. / Темже и zde обретающийся образ
 Твой / благодатию чудес прославила еси, / утешение
 подавши обители сей / и весем бедствовавших
 христиан. / Благоговееюще убо к даром Твоей
 благодати, / празднуем Ти днесь, Избавительнице, /
 и с верою вопием: / избавляй нас присно от бед / и
 спаси в мире души наша.

На стиховне стихиры, глас 5:

Приидите, воспойм Пресвятую Деву, / обители
 сей от бед Избавительницу, / приидите, совос-
 пойм тепле / и Той Божественная великодейст-
 вия, / чудотворную икону Ея достожджно почи-
 тающе.

Стих: Помяну имя Твое / во всяком роде и
 роде.

Недугов и скорбей многообразных / избавила
 еси с верою притекающая / ко иконе Твоей,
 Избавительнице, / но и ныне не престай
 ниспосылати / помощь и державное заступление /
 любовь Ты величающим.

Стих: Слыши, Дщи, и виждь, / и приклони ухо
 Твое.

Милостива нам, Деве, явися, / призывающим
 Божественную Твою благодать, / во всех, случа-
 ющихся нам, / всю бо надежду возложихом к Тебе /
 и во всех уповаем присно / на промышление Твое,
 Благословенная.

Слава, и ныне, глас 6:

Собравшися ныне, братие, / на молебное пение
 Богородицы Избавительницы, / духовное торже-
 ство составим / и благодать независтную
 почерпем / от неистоимаго источника дарован-
 ний, / Матерь бо сущи Бога нашего / чудодейству-
 ет святою иконою Своею, / страсти различныя и
 болезни исцели, / демоны от человек прогна, /
 скорбящая утешит / и от многих бед избави /
 великия ради Своей милости.

Тропáрь, глас 4:

Яко пресвѣтлая звезда, / просия Божѣственнымнми чудесы / святый образ Твой, Избавительнице, / лучами благодати и милосердия Твоего / озарив в нощи скорбей сущих. / Подаждь убо и нам, Всеблагая Дѣво, / избавление от бед, / исцеление недугов душевных и телесных, / спасение и велию милость.

НА УТРЕНИ**По 1-м стихословии седáлен, глас 2:**

Тебѣ благодарим, Всещедрый Господи, / яко Пресвятую Матерь Твою бѣдствующим даровал еси Избавительницу, / еже избавляти от бед с верою притекающих к Ней / и честный образ Ея, на немже и Сам изображен еси, / благоговейно почитающих.

Слáва, и ныне, глас 4:

Всеблагая Приснодѣво Богородице, / милосердия Твоего пучину кто измерит? / Ты бо еси пристанище тихое в бурѣ искушений и ограждение нерушимо от враг видимых и невидимых. / Припадающе убо святей иконе Твоей, молим Тя: / храни ны от всякаго зла, / предстательствующи, чтущих Тя, Избавительнице.

По 2-м стихословии седáлен, глас 6:

Презрев, Спасе, грехи раб Твоих, / молитвами Родившия Тя избави нас от труса, потопá, огня, мечá и иных бед / и будущаго осуждения изми ны, / все упование свое на Всеблагую Матерь Твою возлагающих, / Избавительницу нашу.

По полиелѣи седáлен, глас 8:

Госпоже Преблагословенная, / помощь Твою ниспосылай рабóm Твоим, / просящим Твоего заступления пред чудотворною иконою Твоею, / Тебѣ бо Всемощную Избавительницу имамы, / утешающую бѣдствующих и спасающую души наша.

Степѣнна, 1-й антифóн 4-го гласа. Прокíмен, глас 4: Помяну́ имя Твое / во всяком родѣ и родѣ.

Стих: Слыши, Дщи, и виждь, и приклони́ ухо Твое.
Всякое дыха́ние: Евангелие от Луки, зачало 4.

По 50-м псалме стихира, глас 6:

Пресвятая Богородице Дево, / како Ты по досто-
 янию восхва́лим, / вели́чие бо Твое́ пети и Ангели
 недоумева́ют, / яко ро́ждшую всех Творца́, Спаси-
 теля́ ми́ра, / но, яко Благая́ су́щи, / пение́ наше и
 моле́ние приими́ / и изба́ви нас от всякаго зла, /
 любо́вию к Тебе́ взыва́ющих: / ра́дуйся, Изба́ви-
 тельнице́ наша от всех бед.

Канон, глас 4. (Ин канон, поемый во святую
 Пятидесятницу, зри на страницах 92—98).

Песнь 1

Ирмос: Отверзу уста́ моя́, / и напо́лнятся Ду́ха, / и
 сло́во отры́гну Цари́це Ма́тери, / и явлю́ся, све́тло
 торже́ствуя, / и воспою́, ра́дуясь, То́я чудеса́.

Христэ́, Све́те и́стинный, / пода́ждь ми просве-
 щение́ восписа́ти похва́льная Пресвяте́й Ма́тери
 Твое́й, / и воспою́ То́я вели́кое к рабо́м Твои́м
 благоутро́бие.

Горе́, вѣну сла́вимая, / благоволи́ла еси́, Госпо-
 же́, и ни́зу среди́ бедных просла́вити и́мя Своё́ /
 благода́тию чудес от свята́я ико́ны Твое́й, Изба́ви-
 тельнице́.

Егда́ обита́телие ве́си, отча́явшеся от ис-
 требля́вшаго труды́ их пружия́, / притеко́ша со
 слеза́ми ко образу́ Твоему́, Дево, / а́бие улучи́ша
 избавле́ние / и, ра́дующеся, просла́виша ми́лость
 Твою́.

Десни́ца Твоя́, Влады́чице, просла́вился в крѣпо-
 сти, / и мно́жеством ми́лости Твое́й явилася еси́
 Покрови́тельница и Изба́вительница / во спасе́ние
 бедствовавших.

Упова́ние христиа́ном, Помо́щнице су́щим в
 ско́рбех, / моли́ Сы́на Твоего́ изба́виться всяких
 бед / праждну́ющим свято́му образу́ Твоему́, Изба́-
 вительнице́.

Ра́дуйся, бога́тство неисто́щимое ни́щих и си́-
 рых Засту́пнице, / ра́дуйся, спаса́ющая ве́рою и́мя
 Твое́, Дево, призыва́ющих, / ра́дуйся, уны́ния от-
 гна́ние и ра́дости Пода́тельница.

Песнь 3

Ирмос: Твоя песнословцы, Богородице, / живый и независтный Источник, / лик себе совокупльшия, духовно утверди, / в Божественней Твоей славе / венцев славы сподоби.

Господь мертвит, егже хощет, и живит Тобою, Мати Живота, / исполняя молитвы молящихся Тебе, / низведенных во ад возводит / и от гноища страстей воздвизает Твоим всемогущим предстательством.

Замедлившу иерееу напутствовати умирающа отрока, / егда о умершем помолишася к Тебе, Всеблагая, / и осениша иконою Твоею, Избавительнице, / внезапно отроча оживе и воста здраво / Твоею и Сына Твоего животворною силою.

Живоносный Ты и всецелбный источник, Богоневесто, познахом, раби Твои: / образом бо Твоим, Избавительнице, / жизнь и здравие подаеши душевное и телесное / и от бед избавляеши просящих Твоего заступления.

Начало Христовых чудес Ты еси, Пречудная Дево, / темже чудеса образа Твоего славяще днесь, Избавительнице, молимся Тебе: / посети рабы Твоя благодатию Твоею, / недугов, зол и вечныя смерти изымающи ны.

Грехами умерщвляемую душу мою оживотвори, Владычице, / яко по Бозе вся могущая, / и обдержавших мя страстей избави, / да, пленения страстного свободен, / благодарственно Тя величаю.

Направи, Чистая, к тишине безстрастия во глубину зол влекома раба Твоего / и не попусти ми погибнути, просящему Твоей, Избавительнице, милости, / Тобою бо вернии, покрываемы, спасаются.

Седален, глас 3:

Пресвятеи рuce Твои, / имиже носила еси Носящаго вся, / простри к Немю, Приснодево Избавительнице, / и молитвами Твоими избави ны гнева Его, грех ради движимаго, / отводящи лютая наведения и тех ради бывающую людем тугу и уныние, / и спаси в мире души наша.

Песнь 4

Ирмос: *Седяй в славе на Престоле Божества / на облаце легце, / прииде Иисус Пребожественный / Нетленною Дланию и спасе зовущия: / слава, Христэ, силе Твоей.*

Разумеша вернии дела благасти Твоея, Владычице, / и вниде радостный трепет в сердца их, / внегда бо смутитися душам их от бед и недугов, / милость Свою, Благословенная, помянувши, / иконою Твоею изшла еси на избавление людей Твоих.

Уведевшии о преславном чудеси могущества Твоего, Богородице, во оживлении отрока, / устремившася от различных мест к образу Твоему, Избавительнице, / и, приемлюще исцеления, с веселием Тя величаху.

Милосерда сущи, Чистая, / яко Всеблагое Слово на спасение наше воплотившая, / помощи и избавления Твоего не лишь нас, / с верою притекающих к чудотворней иконе Твоей, Избавительнице.

Ты похвала верных, Мати Всепетая, / Ты кивот святыни, освящение подающая, / Ты целоб источник неисчерпаемый / и от бед Избавительница молящихся Тебе пред святым образом Твоим.

Недугами угнетаемых и искушений борителя, / избавляй нас от сих, Богородительнице, / и в час исхода не предаждь душ наших на одоление супостатом, / да воспеваем величия Твоя.

Непобедимая Воевода вождей и воинств христианских, / христоролюбивое воинство, щитом веры и Креста вооруженных, победоносны являй, / избавляющи от всех наветов вражиих.

Песнь 5

Ирмос: *Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетного Сына, / всем воспевующим Тя / мир подающая.*

В скорби мале наказание Сына Твоего бысть обитателем веси, / и, поболевше, призваша Тя, Матерь щедрот, / и Тобою возсташа от отчаяния и возвеселишася, / роса бо благодати, яже от иконы Твоея, исцеление им бысть.

Благодать точащую икону Твою, Избавительнице, / верному Твоему рабу, с собою всегда носившу, / возбранила еси, Госпоже, скрыватьи ю от верных, / да избавляются от бед и недугов прибегающи к Тебе.

Тобою, Всемилостивая Владычице, / свободение от лютых ниспослася, / притекшим с верою ко святому образу Твоему, / надежда же, покров и нерушимо веселие даровася скорбящим, Богородованная.

Ужасошася бедствовавши о богатстве даров Твоих, Дево, / в чудесех от образа Твоего, / к нему же припадающе, радостно зываху: / во истинну Ты еси Избавительница от всех бед.

Радосте Ангелов и человеков, / свободна мя печалей житейских сотвори / и будущия тесноты избави и вечнаго огня / матерним дерзновением Твоим, Всеблагая, от бед Избавительнице.

Богоизбранная Приснодево, в руне орошенном предвиденная древле, / окропи росюю благодати иссохшую землю сердца моего / и плодоносну соделай душу мою благим деянием и зрением.

Песнь 6

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.

Кий ум постигнет, Госпоже, державу крепости Сына Твоего, / изведша люди Своя из земли, еяже верей заклеи вечнии, / и Тебе, Матерь Свою, соделавша врагом страшну, / из чрева адова избавляющую призывающия Тя.

Кий язык изъяснит всепобеждающую силу Твою, Владычице! / Едино бо точию подобие лица Твоего, / яко огонь, опалает злобныя духи, / люди же Твоя врачует и радует, / егоже благоговейно лобызаем, раби Твой.

Кое слово изобразит величие чудес Твоих, / Всемилостивая от бед Избавительнице! / Точию бо принесеса святая икона Твоя к лоте мучимей бесом, / абие исчезе мучитель, / и исцеленная велегласно прослави силу Твою.

От обилия благодати, присутствия образу Твоему, Богоневесто, / колико беснуемых и иных недужных Тобою исцелеша, / колико скорбящих на веселие приложися, / с верою притекших ко иконе Твоей.

О, великаго милосердия Твоего, Богородительнице, / благоволившая чудотворным образом Твоим пребывать у нас! / Что воздадим Ти за благодать, юже явила еси нам, / даровавши храму сему толико священное богатство?

О Всепетая Мати, державный покрове мира! / Храни от всех бед чтущия Тя, / спобори им на враги христианския неодолимою силою Твоею.

Кондак, глас 8:

Ко иконе Твоей, Пресвятая Госпоже, / бедствовавши с верою притекше, / заступлением Твоим избавишася от злых, / но яко Матерь Христа Бога, / и нас свободи от лютых обстояний, / временных и вечных, да зовем Ти: / радуйся, Избавительнице наша от всех бед.

Икос:

Сошедшиися во храме сем, / прославим преславный храм Божества, Пресвятую Деву, / пред образом Ея со благоговением вопиюще: / радуйся, Божественная славы селение; / радуйся, Владычице Небес и земли. / Радуйся, неистощимый источник чудес; / радуйся, всемогущее врачевание недужных. / Радуйся, Прогонительнице демонов; / радуйся, мертвецев оживление. / Радуйся, обителей Горы Твоея покрове; / радуйся, иноков теплое предстательство. / Радуйся, верных Заступнице; / радуйся, спасение рода христианскаго. / Радуйся, Юже возсиявает радость; / радуйся, Юже печаль престаёт. / Радуйся, Избавительнице наша от всех бед.

Песнь 7

Ирмос: Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: / препетый отец Господь и Бог, благословен еси.

Сотвори́ с нами́ по мно́жеству ми́лости Твоея́, Богоро́дице, / и изми́ нас по чудесе́м Твои́м, / и да посты́дятся от вся́кия си́лы, и кре́пость да сокруши́тся / явля́ющих зла́я рабо́м Твои́м, о Тебе́ пою́щим: / отце́в Бо́же, благослове́н еси́.

Тебе́, Де́во, халде́йская печь проо́браз иму́щи, / о́троки росю́ прохладжа́ше посреде́ пла́мене. / Те́мже и нас, о́браз Твой иму́щих, во огни́ искуше́ний прохладí / и неопали́мы соблюди́ благода́тию Сь́на Твоего́, да поём Ему́: / отце́в Бо́же, благослове́н еси́.

Седмери́цею разжигáемья стрéлы седми́ смертоно́сных страсте́й, / я́же испуска́ет возстаю́щий на ны седмигла́вый зми́й диа́вол, / угасí и сокруши́, Влады́чице, / да, я́коже о́троцы невреждéннии, поём: / отце́в Бо́же, благослове́н еси́.

Седмисвѣщный свѣтильник разумеем Тя, Богоблагодатная Мари́е, / седмию́ дара́ми Ду́ха свѣтя́щий ве́рным, / облагодати́ у́бо и ущедри пою́щих о Тебе́, Подáтелю благих: / отце́в Бо́же, благослове́н еси́.

Тя, Госпоже́, иму́ще милосе́рдия неиздивáемое сокрови́ще / и свята́ю ико́ну Твою́, Изба́вительнице, / в покрóв обите́ли и во избавление от бед, / Сь́ну Твоему́ о Тебе́ поём: / отце́в Бо́же, благослове́н еси́.

Я́ко Царя́ ца́рствующих Ма́терь, мо́лим Тя, Влады́чице: / оте́честву нашему́ и христолюбиво́му во́инству бу́ди несокруши́мая кре́пость, / подаю́щи им благáя, пою́щим: / отце́в Бо́же, благослове́н еси́.

Песнь 8

Ирмо́с: О́троки благочестивы́я в пещи́ / Рожде́ство Богоро́дичо спасло́ есть; / тогда́ у́бо образу́емое, / ны́не же де́йствуемое, / вселенну́ю всю́ воздвизáет пѣти Тебе́: / Го́спода по́йте, дела́, / и превозно́сите Его́ во вся ве́ки.

Я́коже три́е о́троцы, храни́мии во огни́, по́яху и благословля́ху Бо́га, / та́ко и ве́рнии, Тобо́ю, Благослове́нная, изба́вьшеся от огня́, бед и недугóв, / вся дела́,—взывáху,—Го́спода по́йте / и превозно́сите Его́ во ве́ки.

Якоже от зловредных пругов избавила еси / прежде к образу Твоему притекших, Богородице, / тако и ныне не претай от тех и всякаго вреда избавляти / обитель сию, Гору, Россию и повсюду православныя, / да славим Тя во веки.

Якоже умерша, осененна иконою Твоею, Дево, оживила еси, / оживотворяй и нас, отводящи от смертоноснаго пути / и наставляющи на стезю вечнаго живота, / да, спасаеми Тобою, превозносим Тя во веки.

Якоже повелела еси рабу Твоему не скрывать от верных благодати, / точащийся от святаго образа Твоего, Всеблагая Избавительнице, / источай сию и нам, рабом Твоим, / да прославляем Тя во веки.

Якоже многих исцелила еси, Госпоже, / от мучительства демонскаго и иных недугов, / и нас свободяй болезней душевных и телесных и от всех сетей вражиих, / да воспоем Тя во веки.

Якоже Ангел воодушеви Гедобна на побеждение мадиамлян, / воодушевли, Всецарице, и славящая Тя, / всякое шатание врагов низлагающи, / да благословляем Тя во веки.

Песнь 9

Ирмос: *Всяк земнородный / да възграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.*

Иночествующии сея обители, / к Матери Господа Вшшняго притецем днесь, / молящися пред чудотворною иконою Ея, / еюже посети скорбящая и сотвори избавление людем Своим.

Щедраго рождающая и Милостиваго Владыку и Избавителя всех, / покажи, Всеблагая, щедроты Твоя на нас, празднующих честному образу Твоему, / и сотвори избавление от бед людем Своим.

В Тебе, Богородице, воздвиге Сын Твой рог спасения нам, / укрепь убо рабы Твоя служити Ему / преподобием и правдою пред Ним вся дни живота нашего / и твори избавление от бед людем Своим.

**Призри, Дѣво Избавительнице, на моли́твенныя
воздыха́ния на́ша, / не оста́ви ны безпо́мощны во
искуше́ниях / и бу́ди Моли́твенница ко Го́споду, /
да пода́ст грехо́м на́шим проще́ние и избавле́ние
от бед лю́дем Свои́м.**

**Госпоже́ Всеми́лостивая, / не преста́й Го́ру Твою́
и оби́тель сию́, / Росси́ю и вся правосла́вныя
посещáти благода́тию / и твори́ти избавле́ние от
бед лю́дем Свои́м.**

**Хода́таицу о нас, Сло́ве Бо́жий, предлага́ем
Ма́терь Твою́, / от Нея́же воплоти́лся еси́ на
спасе́ние на́ше, / моли́твами Ея́ прости́ и поми́луй
нас, Незло́биве, согрешáющих Тебе́, / и сотвори́
избавле́ние от бед лю́дем Твои́м.**

Свети́лен:

**Ма́ти Све́та умнаго, / просвети́ песносло́влящая
Тя пред лучеза́рною ико́ною Твое́ю, / мрак стра-
сте́й на́ших прожени́ / и осия́ния пра́ведных
прича́стники ны сотвори́ / Твои́м предста́тель-
ством, Преблагосло́венная.**

На хвали́тех стихи́ры, глас 2:

**Прииди́те, возра́дуемся Всецари́це Богоро́дице, /
пречи́стыя бо ру́ки к Сы́ну воздева́ющи, / мо́лится
о всех нас / и свято́ю ико́ною Свое́ю избавля́ет от
бед / во спасе́ние душ на́ших.**

**Тебе́ бѣдствующим Избавительницу / показá иже
всяческих Бог, / Ты у́бо изба́ви от бед рабы́ Твоя́, /
пред о́бразом Твои́м, Дѣво, просящих по́мощи / во
спасе́ние душ на́ших.**

**Вѣлия́ си́ла чудѣс Твои́х, / Всеблагáя
Избавительнице, / спаса́еши бо от сме́рти, / и
восхища́еши от напа́стей неча́емых, / и ско́рби
разруша́еши / во спасе́ние душ на́ших.**

**В бу́ри да обря́щем Тя, Госпоже́, приста́нище, / в
печа́лех — ра́дость и весе́лие, / и в недúзех —
врачевáние, / и во искуше́ниях — Избавитель-
ницу / во спасе́ние душ на́ших.**

Сла́ва, и ны́не, глас 3:

**Тебе́, приснопева́емую А́нгелами Влады́чицу, /
ублажа́ют вси ро́ди, / Тя, Богоро́дице, велича́ет /**

всяк вóзраст и чин людéй./ Приими́ убо благоутрѣбно/ и от нас, недостѣйных рабѣв Твои́х,/ пѣние сие и молитвы/ и спаси́ в мѣре дѹши наша.

Во святѹю Четыредесѣтницу на стихѣвне,

Сла́ва, и ны́не, глас 4:

В пѣснѣх благодарных днесь/ славослѣвим Тя, Избáвительнице,/ и почитáем мѣлость, явлѣнную Тобою вѣрным/ от святѣя Твоея икѣны,/ и мнѣгую Твою́ сѣлу исповѣдуем,/ и благодея́ния Твоя́, о Мáти щедрѣт,/ яже твори́ши нам,/ величáем душѣю же и сѣрдцем,/ и мѣслию, и усты́./ Да обрета́ем убо Тя Прѣсную Избáвительницу/ от бед, недѹгов и лѣтых обстоя́ний,/ подаѣющую душáм нашим вѣлию мѣлость.

На Литургѣи слѹжба вся Богорѣдце.

Ин канѣн Пресвятѣй Богорѣдце Избáвительнице, по шестѣ тропарѣй во всякой пѣсни, поѣмый во святѹю Пятидесѣтницу. Глас 1.

Песнь 1

Ирмо́с: Воскресѣния день,/ просветѣмся, лѣудие,/ Пáсха, Госпѣдня Пáсха:/ от смѣрти бо к Жѣзни/ и от землѣ к Небесѣ/ Христѣс Бог нас/ преведе́, побѣдную поѣщия.

Воскресѣния день,/ слáвим ны́не Гѣспода Христа́./ Приидѣте, и Пресвятѹю Мáтерь Егѣ прослáвим,/ пред святѣю икѣною Ея́ благодарственная поѣще.

Очѣстим чѹвствия и ўзрим воскрѣсшаго Христа́ и Всеблагѹю Дѣву,/ Избáвительницу от бед,/ блиста́ющуюся и озаря́ющую вѣрныя благодáтию.

Очѣстим чѹвствия и ўзрим/ мѣсленными очесѣ промышлѣние о нас Владѣчицы:/ честнѣм бо ѣбразом Своѣм избáви от бед христоименѣтыя лѣуди.

Небеса́ убо достѣйно да веселя́тся,/ земля́ же да ра́дуется воскрѣсшему Христу́,/ да торжествѹет же сѣя ѣбитель,/ обогатѣвшаяся Избáвительницы икѣною.

Небо и земля достойно да веселятся во Христовом востании, / да празднуют же Богоматери монаси и бельцы, / чудотворный Ея образ почитающе.

Умерщвления предел сломила еси, / вечную Жизнь рождающая — Христа, / из гроба возсиявшего днесь, Дево Всенепорочная, / и мир просветившаго.

Песнь 3

Ирмос: Приидите, пиво пием новое, / не от камене неплодна чудодеемое, / но нетления источник, / из гроба ожививша Христа, / в Немже утверждаемся.

Приидите, пиво пием новое / от источника целительного недугом душевным и телесным, / егоже источи Богоблагодатная / с верою притекшим ко иконе Ея.

Приидите, весны умныя в видимой весне насладимся, / неувядаемый бо Цвет — Христа — израстившая Дева / благоуханием благодати живит и утешает скорбящих.

Ныне вся исполнишася света воскресением Христовым, / да празднуем и мы светло Избавительнице, / лучи испускающей радости о Бозе Спасе в нощи искушений.

Ныне обитель сия озаряется светом от Матере Света / в нарочитом дни празднества чудотворному Той образу / и благодатию Сына Ея утверждается.

Вчера погребено бе селение верных в смертном отчаянии, / днесь же оживотворися скорым от бед избавлением Богоневестныя Марии, / надежды безнадежных.

На нетленную жизнь прихожду днесь, / благодатию Рождшагося из Тебе, Чистая, / и всем концем свет облиставшаго.

Песнь 4

Ирмос: На Божественней стражи / Богоглаголивый Аввакум / да станет с нами и покажет / светоносна Ангела, / ясно глаголюща: / днесь спасение миру, / яко воскресе Христос, / яко всесильен.

На Божественной стражи ставше во Христѣ, братие, / и воспоминание творяще чудес Избавительницы, со благоговением рцем: / днесь спасение Богородицею бысть скорбящим, / яко вся могущею.

Яко непорочную Агницу, пречистаго Агнца рождшую, / венчаем Тя, Благословенная, песненными цветом: / покрый от зол рабы Твой, / воскресшаго Сына Твоего о всех умилоостивляюща.

Богоотец убо Давид пред санным ковчегом скакаше, играя, / рабы же Твой, Госпоже, пред иконою Твоею ликующе, / веселимся божественно о Твоем милосердом заступлении к Тебе прибегающих.

Яко в краснейший храм, вселися в Тя, Чистая, Иисус, всех Царь, / снтием же во ад жилище мрачное упраздни / и воскресением совоскреси человеки, / оживляя Тобою умерших, яко всеслен.

Святых Святаго паче ума Мати явилася еси, Владычице, / освящение и избавление от бед подающи верным, славящим Его воскресение / и Тебе, Всеблагую Избавительницу, призывающим.

Сздавый Адама, Твоего праотца, Чистая, зиждется от Тебе, / и смертное жилище разори Своєю смертию днесь, / и озари вся Божественными блистаньями воскресения.

Песнь 5

Ирмос: Утренюем утренюю глубокую, / и вместо мира песнь принесем Владыще, / и Христа узрим, / Правды Солнце, / всем жизнь возсияющая.

Утренююще во святем храме Твоем, Чистая, / Сына Твоего воспеваем, из гроба возсиявшаго, / и Тя, Избавительнице, величаем, / от Солнца Правды умершему отроку жизнь возсияющую.

Утренюем утренюю глубокую / и с пением деяния принесем богоугодная, Деве вопиюще: / храни, Всецарице, Гору, и Россию, и вся православныя / необоримы от враг видимых и невидимых.

Безмерное Твое благоутробие, Владычице, / узамии вражиими содержиими зряще, / ко иконе Твоей

избавлении идяху веселыми ногами, / Твою и Сына Твоего хваляще Божественную силу.

Приступим, священоснии, исходящу Христу из гроба, яко жениху, / и спразднуим Богородице любопразднственными чинми, / в честь святых иконы Ея, прославленные чудесы многими.

Облиста Тя и возвесели, Богорадованная, / Спас всех, из гроба возсиявый, Правды Солнце, / Егоже моли озарити и утешити сердца любовью песнословящих Тя, Избавительнице, / пред Твоею иконою.

Просвещается Божественными лучами и живносными / воскресения Сына Твоего, Богомати Пречистая, / и радости исполняется благочестивых собрание.

Песнь 6

Ирмос: Снизшел еси в преисподняя земли / и сокрушил еси верей вечныя, / содержащая связанная, Христе, / и тридневен, яко от кита Иона, / воскресл еси от Гроба.

Снидохом во тьму греховную / и праведное на ся негодование Божие привлекохом, — вопияху вернии, / но, о Госпоже Всемилостивая, / Ты избавила еси нас от рова отчаяния.

Сохранив целы труды рук наших / и невредимы от всепоядающего пружия, предстательством Твоим, Избавительнице, / отверзла еси нам милосердия двери.

Спасе наш, живое же и нежертвенное от всех заколение, / бедствующим даровал еси Матерь Твою Избавительницу от бед, / молитвами убо Ея избави нас от всякия нужды и печали.

Явилася еси, Богоневесто, вбши Ангел, / Бога воплощи, распеншагося за ны, и погребена, / и мертвым нетление из гроба источивша, / чтущих же Тя тли греховныя избавляюща.

Видевши Сына Твоего, из мертвых возставша, / райския сладости исполнилася еси, Приснодево, / Того убо моли, Благословенная, / да отверзет молящимся Тебе райския двери.

Возведеса древле держимое смертию и тлением / Воплотившимся от Твоего пречистаго чрева / к

нетлѣнной и присносущней жизни, Богородице Дѣво.

Песнь 7

Ирмос: *Отроки от пѣщи избавивый, / быв Человѣк, / страждет, яко смѣртен, / и страстию смѣртное / в нетлѣния облачит благолѣпие, / единъ Благословѣн / отцевъ Бог и Препрослѣвлен.*

Отроки от пѣщи избавивый, / презрѣв, яко Милосѣрд, прегрешѣния наша, / соблюди ны невредны от пѣщи искушѣний Пресвятыя Матере Твоея мольбами, / отцевъ Божѣ Препрослѣвленный.

Жены с мѣры Богомудрыя вслед течѣху Христѣ, / обитателие же вѣси, вмѣсто мѣра слѣзы Дѣве приносяще, / поклонѣшася, радующияся, Ея иконѣ / и избавлѣние от бедъ зде благовѣстѣша.

Жены с мѣры вслед Христѣ течѣху, / да течемъ и мы усердно, добрый подвигъ иночества совершающе / и радующася живому Богу, / да сподобимся молитвами Богоматере пасху тайную вкушати.

Смѣрти празднуемъ умерщвлѣние воскресѣниемъ Христѣ / и избавлѣние отъ бедъ милосѣрдиемъ Владычицы, / тѣмже, предъ иконою Ея ликующе, поемъ Винѣвнаго, / единого Благословѣннаго отцевъ Бога и Препрослѣвленнаго.

Яко воистинну священный и радостный сей праздникъ Богородицы, / провозвѣстникъ сущий чудесъ отъ честнаго Тоя образа, / отъ негоже благодать исцелѣний явственна всемъ возсия.

Умертвивъ Сынъ Твой смерть, Всенепорѣчная, днесъ, / всемъ смѣртнымъ пребывающий животъ во вѣки вѣковъ дарова, / единъ Благословѣнный отцевъ Бог и Препрослѣвленный.

Песнь 8

Ирмос: *Сей нареченный и Святыи День — / единъ субботъ царь и господь, / праздниковъ праздникъ / и торжество есть торжествъ, / в онъже благословимъ Христѣ во вѣки.*

Сей нареченный и Святыи День, / в онъже славимъ Всепетую Владычицу, / яко избави отъ бедъ притекшихъ къ Ея образу, и благословимъ Сію во вѣки.

Приидите, обители сея иночествующии, / с любовию благодарение Деве принесем, Хранительнице Горы и Избавительнице нашей, / поюще Ю яко Богоматерь во веки.

Возведи окрест очи Твоя, Чистая, и виждь рабы Твоя, / пред иконою Твоею молящаяся Тебе, / и прошения исполни о Тебе благословящая Христа во веки.

Всесильный Господь родися из Тебе, Марие, / и Крестом Своим умерщвление аду содела, / избавляя смертоносных бед к образу Твоему притекающих / и поющих Его яко Бога во веки.

Отче Вседержителю, и Слове, и Душе, / ходатаицу о нас Пресвятую Деву Тебе предлагаем: / молитвами Тоя помилуй и спаси нас, в Тя крестившихся, / да Тя благословим во вся веки.

Прииде Тобою в мир Господь, Дево Богородице, / и, чрево адово расторг, / смертным нам воскресение дарова, / темже благословим Его во веки.

Песнь 9

Ирмос: Светися, светися, / Новый Иерусалиме, / слава бо Господня / на тебе возсия, / ликуй ныне, / и веселися, Сионе. / Ты же, Чистая, красуйся, Богородице, / о востании Рождества Твоего.

Светися, Русская обители, веселися и красуйся, / святая бо в тебе Избавительницы икона чудесы прославися многими, / от бед свободением и недугов исцелением.

Благоутробие Твое к верным и дары Твоя / суть паче постижения, Всеблагая Госпоже, / сподобляй убо сих рабы Твоя, благодарственная Тебе поющая / и радующияся о востании Рождества Твоего.

О, Божественного, о, любезного Твоего, Богомати, гласа! / яко повелела еси не скрывать чудотворную икону Свою, / да притекающие к ней многих лютых избавляются милостию Твоею.

О, паче словес Твоих чудес, Избавительнице! / Ты бо осенена иконою Твоею отрока воскресила еси, Мати сущи Живота, / воскресением Своим всех оживотворившаго.

О Пресвятáя Влады́чице, о Всеми́лостивая Изба-
вительнице от бед, / не престáй милосéрдовати о
бѣдствующи́х / и сподобля́ти благодáтнаго присе-
щѣния обите́ль, / о́браз Твой почита́ющую.

С огласно, Дѣво, Тебѣ блаж́им, вѣрнии: / радуйся,
двѣре Господня; / радуйся, граде одушевлѣнный; /
радуйся, Еяже ра́ди нам ны́не возсия́ свет из Тебѣ
Рождѣннаго / из мѣртвых воскресѣния.

Свети́лен:

Свети́льниче свѣтльй, Пресвѣтлаго Свѣта ми́ра,
от грѣба возсия́вшаго, / просвети́, Благословѣн-
ная, ду́ши на́ша свѣтом благодáти, / да сподобимся
зрѣти воплотившееся из Тебѣ Сѳлнце П́равды / и
Тебѣ, Просвети́тельницу на́шу, прѣсно величáти.

**Икона Божией Матери «Изва-
вительница»** до того, как была при-
несена в Ново-Афонский Симоно-
Кананитский монастырь на Кавказе,
находилась на Святой Горе Афон у
насельника Русского Пантелеимоно-
ва монастыря схимонаха Мартина-
ана (+1884). Благочестивый схим-
ник получил эту икону от подвижни-
ка Феодула. Святая икона прослави-
лась чудотворениями с давних вре-
мен. По молитве перед этой иконой в
1841 году жители Спарты (в Греции)
избавились от саранчи. Из Пантеле-

имоновой обители, по завещанию
схиархимандрита Макария, эта ико-
на 20 июля 1889 года была передана
Ново-Афонской обители, и было ус-
тановлено празднество в честь ее
17 октября. Когда в Симоно-
Кананитской обители впервые совер-
шилось празднество в честь этой
иконы, буря выбросила на берег у
монастыря более тонны рыбы. На
иконе Пресвятая Богородица изобра-
жена держащей на правой руке Бо-
гомладенца, благословляющего дес-
ницей.

В
ТОЙЖЕ
ДЕНЬ



Священномученика Никиты Славянина

ВѢЧЕР

На Гóсподи, воззва́х: стихи́ры, глас 8:

Преподѣбне ѳтче Никито, / ты любвѣ ра́ди
Бѳжия / ѳтѣчество твоѣ Понт оста́вил еси́ / и,
Святѳя Горы́ Афѳнска́я достѳг, / в ней дѳбре
подвизáлся еси́, / смиренномудр и воздѳржен быв, /
послушли́в же и незлѳбив, / целомудр и ѳстинен, /
якоже Йов, удаля́йся от всѳкя́я лука́выя вѣщи, /

тем по достойнью zde поставился еси иерей Бóга
 Ъ́шнѧго, / Емúже, всечѣстне, моли́ся / о спасѣнии
 душ наших.

Многострадальне óтче Никíто, / мучим лю́те за
 Христá / во дни спасительныхъ страстѣй Егó, /
 непобедимъ явилъся еси́ Тогó сýлою, / вонзѣние игл
 под ногтѣми терпѧ, / преломлѣние в сустáвехъ рук и
 ног, / раскаленнымъ сосúдом венча́емъ, / в нóздри и
 под чрѣвом опаля́емъ / и ужáсно тáмо пронзáемъ, /
 за нóзе повѣшаемъ, / главú имѣя зело́ стýснуту, /
 вѣрвию же на дрѣве удавлен, / слáву мучениче-
 скую восприя́л еси́, / моля́ся о спасѣнии душ
 наших.

Священне óтче Никíто, / преподобнымъ жити́емъ
 твоимъ / иерейскимъ же помáзаниемъ / и доблестѣми
 страсотѣрпческими / Бóгу прибли́зился еси́
 совершеннейше / и от Негó сугúбо увенча́лся еси́. /
 От всѧкихъ úбо бед и искушѣний / избавля́й твоимъ
 предстáтельствомъ / любóвию воспева́ющия тя, мо-
 ля́ся о спасѣнии душ наших.

**4-я стихира — седáлен по 1-м стихослóвию; 5-я —
 седáлен по полиелѣи; 6-я — светилен: Сынъ свѣта
 сый:**

Слáва, гласъ 6:

Витийствуя свѣтлымъ глáсомъ / о Божествѣ Хри-
 стóве, Никíто, / и тáйну Егó домостроительства /
 високовещáя агáряномъ, / Моамѣфа, лжепрорóка
 ихъ / льстецá нарѣклъ еси́ / и чýвственнаго диáвола, /
 постыждѣннымъ же словесы́ твоими / закóнникомъ
 техъ и властителемъ / и претящимъ тебѣ мýками и
 смѣртию, / с весѣлиемъ, доблемúдре, возопíл еси́: /
 сегó азъ желáю / и на сие́ самозвáн приидóхъ к вамъ, /
 да пожрúся пожѣршемуся менѣ рáди / Влады́ще и
 Бóгу моемú, / я́ко Тойъ есть Благъ и Человеколю́бецъ.

На стихóвне стихиры, гласъ 5:

**Рáдуйся, благослáвне Никíто, / честное́ Цѣркве
 украшѣние, / иереевъ лѣпото, / преподобномучени-
 ковъ похвалó, / светильниче, озаря́яй вѣрныя, / в
 но́щи пленѣния сýщия, / тьмы злочѣстия агáрян-
 скаго обличителю, / Христá же — Сóлнца
 Правды — проповѣдниче, / подающаго мýру вѣлию
 мýлость.**

Стих: П^раведник, яко ф^иникс, процветет / и, яко кедр, иже в Ливане, умножится.

Радуйся, священства помазание святое, / свят явивыйся в л^етах посл^едних / и освящ^аяй славащ^ая твоя подвиги, / враж^иих козней низложителю / и сарац^инския веры попра^телю, / согражданине преподобных / и священномучеников совсельниче, / молитвенниче же о нас ко Господу, / подающему миру велию милость.

Стих: Честна пред Господем / смерть преподобных Его.

Радуйся, постничества рачителю, / доблий оруж^ниче Спасов, / всеоружием Креста огражденный / и терпением мужески вооруживыйся, / небрег о ярости злочестивых, / лютых мук искус весь прошедый / и вен^ец победы приявый, / яко всеизрядный подобник / страсти Христа Бога, / подающего миру велию милость.

Слава, глас 1:

Веселися о Господе, / еже в С^еррах верных составление, / имуще землю, освященную / кровию славнаго священномученика; / радуйся, Свята^я Гор^о Аф^онская, / преподобнаго возрастившая Ц^еркви Б^ожией, / яко древо благоплодное при исходящих вод; / праздноу днесь, Р^усская кино^ие сия, / Божественных Таин совершителя / прехвального Никиту у себе зревшая; / спраздноу же и соборе скитских постников, / яко всеизрядный постник твой, / лику^я ныне со Ангелы, / помоществует с верою его призывающим.

Тропарь, глас 4:

Постнически подвизався / и плоть покорив д^уху, / вшел еси в тишину безстрастия, / иерейством же украшен, / за Христа пострадал еси твердейши, / Емуже молися о чтущих тя, / священномучениче Никито приснопамятне.

Ин тропарь, глас 1:

Плотская увядив двизания вся, / молитвою и стоянием всенощным, / воздержанием же и слезами / безстрастия достигл еси, славный Никито, / и Христа со дерзновением проповедав, /

твёрдо за Него пострадал еси, священномучениче./ Слава Давшему ти крепость,/ слава Венчавшему тя,/ слава Действующему тобою всем исцеления.

НА УТРЕНИ

По 1-м стихословии, седален, глас 8:

Обители сей иночествующии,/ цветы песенныя собравше от лугов духовных/ и венец от тех сплетше, венчосному небожителю Никите принесем:/ священнострадальче,— зовуще ему,—/ с преподобными и мученики молися ко Господу/ помилватися душам нашим.

Слава, и ныне, Богородичен:

Божественная скиния была еси Слова, едина Пречистая Дево Мати,/ чистотою Ангелы превозшедшая,/ паче всех мене, персть бывша, осквернена плотскими прегрешеньми,/ очисти молитв Твоих Божественными водами,/ подаючи, Чистая, велию милость.

По 2-м стихословии седален, глас 5:

Радуется днесь верных собрание в памяти твоей, Никито,/ ты бо, постническое житие священно прошед,/ последи пострадал еси за истину,/ радуясь, посрамив злочестивыя, Богомудре, и обвеселив благочестивыя./ Молися убо Христу Богу ущедрити и спасти поюция тя.

Слава, и ныне, Богородичен:

Все упование, иже в Горы Твоей, Госпоже, возлагаем на неборимый покров Твой,/ представительством преподобнаго Твоего, Никиты священномученика,/ не престай нас хранить и на благое наставляти,/ избранных части сподобляючи любовию поюция Тя.

По полиелеи седален, глас 8:

Постничества труды и страдальчества болезни соединив, Богоприятне,/ криле неведественне себе уготовал еси/ и теми к Небесным добротам возлетел еси,/ отонудуже призирай, священне, на

сущия во обители сей, / лютых обстояний изымая нас твоими ко Господу молитвами.

Слава, и ныне, Богородичен:

Едина Пресвятаго рождающая, единаго всех Освятителя, / освящение ниспосылай нам, Пресвятая, живущим во Святей Горе Твоей: / благословящая Тя благословии Едина в женах Благословенная, / спасающая в мире души наша.

По 50-м псалме стихира, глас 6:

Преподобне отче, / пустынное житие возлюбль на Афоне, / в безмолвии перее скитском подвижался еси, / таже во общежитии сем / священнодействитель был еси, / пострадав же веры ради, / сугубым венцем победы от Христа украсился еси, / Егоже моли, о Никито, / обрести нам милость в День Судный.

Канон святого, глас 8.

Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Воду прошед мирскаго мятѣжа и всякаго зла избежав, Богомудре, / в тихое пристанище Афона вселился еси и благоугодная Избавителю и Богу творил еси.

Восхождения в сердце своем полагающе тебе, благославне, в воде слез твоих потопил еси фараона мысленнаго / победительною десницею Бога нашего.

Тезоименн сый победы, добропобедниче, на страсти подвижался еси / и всеоружием Креста победитель тех был еси, / но и нам победители греха быти, молися.

Богородичен: Введши Богозваннаго Никиту в Гору достояния Своего, / в готовое жилище скитское, / Помощница и Покровительница, Госпоже, была еси ему во спасение.

Другий канон, глас тойже. Песнь 1

Ирмос: Колесницегонителя фараона погрузи / чудотвори иногда / Моисейский жезл, крестооб-

ра́зно порази́в / и раздели́в мо́ре, / Изра́иля же беглеца́, пешехо́дца спасе́, / песнь Бо́гови воспева́юща.

Страстьми́ мя омраче́нна, / свѣтлыми моли́твами твоими́ озари́, преподо́бне, / да ты, светоза́рна иере́я и му́ченика, воспою́ пѣсньми.

Любве́ ра́ди Бо́жия вся, яже в ми́ре сла́дкая, оста́вил еси́ / и, Святы́я Го́ры безмо́лвник быв, / сосу́д яви́лся еси́ благода́ти, всече́стне.

Богородичен: Благода́рственную песнь прино́сим Ти, Влады́чице, / избавля́еми Тобо́ю от всяких лю́тых, / ра́дуйся, зову́ще, Засту́пнице сла́вящих Тя.

Песнь 3

Ирмос: Небе́снаго кру́га Верхотво́рче, Го́споди, / и Це́ркве Зиждите́лю, / Ты мене́ утверди́ в любви́ Твоёй, / желаний́ кра́ю, ве́рных утвержде́ние, / Еди́не Человеколю́бче.

Небе́снаго кру́га Творцу́ и желаний́ кра́ю, всеизя́щне, приближа́ясь, / в любви́ к Нему́ от все́й души́, се́рдца и помышле́ния утвержда́лся еси́ / и от си́лы в си́лу шествовал еси́ благода́тию Еди́наго Человеколю́бца.

Се что добро́ или что красно́,— пою́щу ти,— / но еже жи́ти бра́тии вку́пе; / жити́е общежи́тельное в обители́ сей возлюбил еси́ / и совершенны́я любве́ к бли́жним испол́нился еси́ по́моцию Человеколю́бца.

Небе́сный челове́к и земный́ А́нгел ревну́я бы́ти, / а́нгельския чистоты́ рачите́ль был еси́ / и, благода́ти священства́ сподо́блен, / яко́ А́нгел, словесную́ службу́ непоро́чно приноси́л еси́ Еди́ному Человеколю́бцу.

Богородичен: Небе́сною си́лою Твоёю, Всецари́це, препоя́сану бывшу́ Никите́, / Небе́сныя си́лы, невидимо́ служа́щая, имé, / досто́славный в стра́шном Тайноде́йствии, / сла́вя благода́ть Твою́ и вели́чие Сы́на Твоего́, Еди́наго Человеколю́бца.

Ин

Ирмос: Утвержде́й в нача́ле Небеса́ ра́зумом / и зе́млю на вода́х основа́вый, / на ка́мени мя, Христе́, за́поведей Твои́х утверди́, / яко́ несть свят, па́че Тебе́, Еди́не Человеколю́бче.

Бо́гом укрепля́емь, по́стническое жити́е на Афóне возлюбíл еси́, / Всеблагую́ Ма́терь Живота́ Тайноучи́тельницу имéя, Богоприятне.

Яко крин, во удо́лиих Святы́я Горы́ процвёл еси́, прехва́льне, / я́коже фíникс, возвы́сился еси́ добродéтелию / и, я́ко кедр, крёпок показáлся еси́.

Богорóдичен: Сострадáтельною Твое́ю любóвию ста́до Твое́ назира́ющи, / смертоно́снаго изба́ви вре́да, / моля́щихся о нас, рабéх Твои́х, Всеблагáя Влады́чице.

Ин конда́к, глас 4.

Подóбен: Вознесы́йся:

Всеору́жием Крестá ограждён, / к по́двигом во́льне изшёл еси́, / не убо́явся, Богогла́се, вра́жиих прещё́ний, / с ре́вностию же ве́ру испове́дуя, не преста́л еси́, / до́ндеже мучéния иску́с прошёл еси́ весь, / и по́честь побéды, / Никíто, получи́л еси́.

Седáлен, глас 4:

Преподóбных похвалу́ и страдáльцев украше́ние свяще́нное, / Никíту досто́блаженнаго воспо́йм / с ве́рою к нему́ зыва́юще: / священному́чениче светозáрне, / моли́ Христа́ Бо́га прегрешéний оставлéние дарова́ти / пра́зднующим любóвию святу́ю па́мьять твою́.

Сла́ва, и ны́не, Богорóдичен:

Всю наде́жду на Тя, Богорóдице, Никíта возложíв, / благоугоди́ Тебе́ в насле́дии Твое́м, / иерей и му́ченик быв Сы́на Твоего́. / Ходáтайством то́го яви́ богоуго́дны и нас, упова́ющих на Тя, / и грехо́в прощё́ние испроси́ нам, Преблагослове́нная.

Песнь 4

Ирмо́с: Услы́шах, Го́споди, / смотре́ния Твоего́ та́инство, / разумéх дела́ Твоя́ / и просла́вих Твое́ Божество́.

Услы́шав, приснопáмьятне, глас Христа́, во Ева́нгелии глаго́люща: / возми́те и́го Моё́ на себе́,— / в трудéх и бде́ниях пожи́л еси́ zde, в воздержáнии и пощё́нии, / сокрови́ще некра́домо— моли́тву умную́ имéя и сла́вя Его́ Божество́.

Услышавше равноангельное житиё твоё, всеизрядне, и по́стническия по́двиги, / мнози от сущих на Афоне назидáхуся крото́стию и смире́нием тво́им, молча́нием же и терпе́нием, / и прославля́ху Христо́во Божество́.

Услышавшу тебе́, свя́те, о неизрече́нных блага́х, я́же угото́ва Бог лю́бящим Его́, / в слеза́х и воздыха́ниих стреми́лся еси́ стяжа́ти себе́ хра́мину нерукотворе́ну, вечно́ на Небесе́х, / да прославля́еши та́мо Христо́во Божество́.

Богоро́дичен: Услы́ша преподо́бный Никита́ обетова́ния Тво́я, Де́во, / я́ко боголюбе́зно поживши́х в Горé Твоёй / предста́виши Бо́гу и испро́сиши проща́ние грехо́в, / труды́ к трудо́м прилага́ше, / благоугожда́я Тебе́ и сла́вя Сы́на Твоего́ Божество́.

Ин

Ирмо́с: Ты́ моя́ кре́пость, Го́споди, / Ты́ моя́ и си́ла, / Ты́ мой Бог, Ты́ моё ра́дование, / не оста́вь не́дра Отча́ / и на́шу нищету́ посетив. / Тем с проро́ком Авваку́мом зову́ Ти: / си́ле Твоёй сла́ва, Человеколю́бче.

Плотско́е жела́ние вконе́ц отря́нув, / ве́ру, наде́жду и любо́вь ко Го́споду и Его́ Ма́тери стяжа́л еси́, / освяти́вших тя, всече́стне.

Боугогожде́ния ревни́тель сый, возста́вляй нас ко благоде́ланию, Богоно́сне, / неуязви́мы твори́ от стрел вра́жних моли́твами тво́ими.

Богоро́дичен: Ты́ сла́ва челове́ческаго ро́да, Богоневе́стная Мари́е, / Ты́ благода́ть Богода́нная ве́рным, / Ты́ ино́ком прибе́жище и утеше́ние.

Песнь 5

Ирмо́с: Просвети́ нас повеле́нии Тво́ими, Го́споди, / и мьщи́цею Твоёю́ вы́сокою / Твой мир пода́ждь нам, / Человеколю́бче.

Просвеща́ему тебе́ повеле́нии Господни́ми, / мра́чная де́монская искуше́ния побежда́л еси́, победоно́сне, / Божество́нною благода́тию покрыва́емь храни́вшего тя Человеколю́бца.

Просвеща́ющего вся́каго челове́ка, Христа́, иере́й сый, / моли́ся о почита́ющих тя, богат-

носвѣтле, / да не объѣмет нас ночь лю́тых наве-
дѣний, / от но́щи ўтренюющих к Человеколю́бцу.

Просвещаемь словесы́ Го́спода, доблемудре, еже
послѣдовати стопамъ Егó, / огню́ любви, снѣдающе
тя, / возжелел еси́ исповѣдати предъ мусульма́ны
Имя Егó / и принести́ себѣ в жѣртву Человеколю́б-
цу.

Богорóдичен: Просвети́ ум наш и ду́шу светово-
ди́, Световодительнице Никиты, / наставляющи
ны моли́твами егó на повелѣния Сы́на Твоегó / и
укрепляющи благодатию Тогó, я́ко Человеколю́б-
ца.

Ин

Ирмо́с: Вску́ю мя отрину́л еси́ / от лица́ Твоегó,
Свѣте Незаходимый, / и покрѣла мя естѣ чуждая́
тьма, окаяннаго, / но обрати́ мя и к свѣту за́поведей
Твоихъ / путы́ моя́ напра́ви, молю́ся.

Ночь мра́чных искуше́ний покрыва́ет мя,
светоза́рне, / привлека́я к бездне безнаде́жия. /
Тѣмже молю́ тя: / на свѣтлую стезю́ покая́ния
напра́ви мя.

Даждь ми время́ покая́ния, Многоми́лостиве
Го́споди, / предста́тельствомъ священнаго исповѣд-
ника Твоегó / и непобедимаго мученика Никиты.

Богорóдичен: Посещѣ́ния сподóби мя,
Всенепо́рочная, / и жити́ю исправлѣ́ние пода́ждь
ми, / наставляющи на стези́ спасительнаго дея́ния
и зрѣ́ния.

Песнь 6

Ирмо́с: Моли́тву пролию́ ко Го́споду / и Тому́
возвещу́ печа́ли моя́, / я́ко зол душа́ моя́
исполнися / и живóт мой а́ду прибли́жися, / и
молю́ся, я́ко Ио́на: / от тли, Бо́же, возведи́ мя.

Моли́твы пролива́л еси́ тѣплыя ко Го́споду, / да
пода́ст ти, достосла́вне, Божѣственную си́лу
Свою́ / со гла́сом хвалѣ́ния и исповѣ́дания пожре́-
тися Емú, / пожѣршемуся нас ра́ди и от тли
возвѣдшему ны.

Моли́тву приле́жну творил еси́, свѣ́те, / я́вльшу-
ся ти на по́двиг страда́льческий во дни воспомина́-
ния страсте́й Христо́вых: / в обители́ бо гра́да
Серр, всю́ ночь у хра́ма бдя, / по исповѣ́ди
Пренебѣ́сными Да́ры оживотворил еси́.

Молитвою и Тайнами, прехвально, укреплен, / узрел еси агарянина, хрома от рождения, / и обещававшего ти исцелить его, аще уверует во Христа Бога, / ят был еси мусульманы и предан тех властителем.

Богородичен: Молитвам, принесенным Тебе, Богородице, Никитою, милостивно внемши, / укрепила еси того совершить, елика обеща он / и возжелала воздати во спасение свое Господеви. / И мы молим Тя: / от тли возведи ны.

Ин

Ирмос: Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.

Трапезунда прозябение, Афона похвалу и Серр удобрение, / монашествующих собор, / преподобнаго страдальца да ублажим.

Иерейства одеждою обложен, / украсился еси славою мученичества, / жрец и жертва яве показавшись, приснопамятне.

Богородичен: Храни, Всеблагая Госпоже, достоинство Твое / невредно от искушений борителя / и исполнити волю Сына Твоего укрепь ны.

Кондак, глас 2:

В преподобии и правде, отче, пожил еси / и, страданиями усовершився, / сокровиществовал еси себе богатство дарований. / Долгов убо разрешение испроси нам, / недугов свободяюще, всебогате Никито, / и обители сей, в нейже Жертву Богу приносил еси, / буди присное утверждение.

Икос:

Новоявленная звезда показался еси на тверди церковней, Никито небоявленне, / ты бо, постничеством удобрен, иерейством украшен и Духа благодатию осиян, / светлым исповеданием своим омраченныя оттоманы посрамил еси, / Христа — Солнце Правды — благочестно тем проповедавшую ти, / муки же лютыя и удушение за Него небоязненно приявшу, / достойно увенчанну и прославлену на Небеси, / отонудуже не престай озаряти славыящая тя, священномучениче, / и обители сей, в

нейже священнодействовал еси, / буди присное утверждение.

Песнь 7

Ирмос: От Иудеи дошедше, отроцы / в Вавилоне иногда / верою Тройческою пламень пещный попраша, поюще: / отцев Боже, благословен еси.

Честная память твоя, великоимените, / веселит обитель сию, воспевающую подвиги твоя, / юже соблюдай мольбами своими ко Господу, да поем: / отцев Боже, благословен еси.

Яко адамант, тверд быв, / притупил еси стрелы агарянския, уничижив Моамефа, / светлое же возвысив знамение победы, радуясь, взывал еси, добропобедниче: / отцев Боже, благословен еси.

Целомудрием и правдою украшену ти, / мудрость же и мужество явльшу во страдании, / красною колесницею сея четверицы востекл еси к Небесным, вопия: / отцев Боже, благословен еси.

Богородичен: Крепость и утверждение Тебе, Всенепорочная, Никита имья, / противу сарацынския прелести крепко вооружися, / Тя проповедав, Богородицу, и Сыну Твоему поя: / отцев Боже, благословен еси.

Ин

Ирмос: Божия снизхождения / огонь устыдеса в Вавилоне иногда. / Сего ради отроцы в пещи, радованною ногою, / яко во цветнице, ликующе, пояху: / благословен еси, Боже отец наших.

Лик духовный составляешь, / песнопение приносим ти, Богомудре, / ходатая ты от нас к Богу предлагающе и Богоматери.

Кий язык восхвалити возможет твоё терпение в муках, / в нихже доблествен показался еси, непобедиме?

Богородичен: Кий дар принесем Ти, Марие, / за вся дары, яже приемлем от Твоего благоутробия? / Славим убо Тя и величаем милость Твою.

Песнь 8

Ирмос: Седмерицею пещь / халдейский мучитель / Богочестивым неистовно разжже, / силу же лучшею спасены, сия виде, / Творцу и Избавителю вопияше: / отроцы, благословите, /

священницы, воспойте, / людие, превозносите во вся веки.

Словес твоих, святе, силы злочестивии стерпети не возмогоса, / темже в смрадную темницу, биюще, ты ввергоса, Господеви взывающа: / священницы, благословите Его во веки.

Огнем люте опаляемь и за нозе немилостивно повешаемь, / под ногтями же и чревом ужасно пронзаемь, / пострадавшему за ны Христу вопиял еси: / священницы, воспойте Его во вся веки.

Зря Подвигоположник достославный конец подвигов твоих, / руками ангельскими несому, прии священную душу твою, / к Немуже радостно зывал еси: / священницы, хвалите Его во вся веки.

Богородичен: **И**же от Тебе, Чистая, воплотившееся Слово / распятие претерпé спасения ради нашего, / Того страсти величая, Никита, в муках укрепляемь, взываше: / священницы, превозносите Его во веки.

Ин

Ирмос: **Ц**аря Небеснаго, / Егоже поют вси Ангельстии, / хвалите и превозносите во вся веки.

Твою, Божественне, лётнюю * совершает память обитель сия, / заступника ты имущи / яко своего иерея и мученика хриstopодражательна.

Глас ти возсылаем молебный, Богоприятне: / буди нам столп крепости, / избавляя всяких бед твоим ко Владыце ходатайством.

Богородичен: **П**риими, Владыко, милостивно Молитвенницу, Матерь Твою, о нас / и молитвами Ея и святого Никиты / пробави милость Твою к рабom Твоим.

Песнь 9

Ирмос: **П**роявленное на горé законоположнику во огни и купинé / Рождество Приснодевы / в наше, верных, спасение / пёсньми немолчными величаем.

Подражатель быв Уснувшего на Древе и мёртвых Возбудившего / и непобедимый тайник Того, / в день покоя Его успе, на древе вервию удушен, / враги удушив терпением своим.

* лётнюю — ежегодную

Венценосный возшел еси, добрострадальче, в Горняя селения, / сугубым венцем увязен рукою Венцедателя, / всеблаженный убо небожитель сый, / поминай поминающая тя.

Духовнику, поощрившему тебе, святе, Божественными словесы на мученичество, / спасение с Небес подаеши / и честнаго ученика твоего спасаеши по обоим твоим предстательством.

Богородичен: Милостива яви нам Сына Твоего, Пречистая, / егда сядет на Престоле славы Своей судити вся земныя, / имеющие на сие молящаго Тя ублажаемаго нами угодника Твоего Никиту.

Ин

Ирмос: Воистинну Богородицу, / Тя исповедуем, / спасеннии Тобою, Дево Чистая, / с Безплотными лики Тя величающе.

От неистоимаго Источника живота всех — Христа — / живоносная почерпн еси струй благодати, / и чудеса совершаеши, и исцеления подаеши к тебе прибегающим.

Ангелов собеседниче, преподобных сопричастниче и священномучеников равностоятелю, / прощение испроси певцем твоим, святе, / мир, здравие же и спасение.

Богородичен: Со всеми святыми ликуя, славит Тебе, Дево, и Сына Твоего и Бога Никита, / но и нас мольбами того жизни вечныя наследники сотвори, / да Тя присно величаем.

Светилен:

Сын света сый, Богосветле, / светом благодати озарился еси по кончине, освещая град, Никито, / якоже узреша вернии в ночь пресветлаго Воскресения Христова. / И ныне светоносною душею твоею предстоя Безлётному Свету, / озаряй обитель сию, прося нам велия милости.

Слава, и ныне, Богородичен:

Света незаходимаго была еси обитель, Владычице, / девства добротами светящи и благодатию сияющи, / темже просвети ны, вопиющая Ти: / радуйся, храме пресвятый Божественныя славы / и свете сущих во тме, / препрославленная Богородице Приснодево.

На хвалітех стихіры на 4, глас 2, аще на 3, 1-я оставляється:

Священную пámять / священномученика Никіты / священными пёсньми священная обітель сія / священнолёпно почитаёт днесь, / яко своего священнаго моли́твенника, / Первосвященника Христа́ о нем велича́ющи.

Ра́дуясь о святе́м Никіте, / Афóн взывáет Трапезу́нду, / отечеству́ досто́блаженнаго, / и Сёррам—мёсту страда́ния егó: / моя́ есть о Бóзе и Богорóдице похвалá преподо́бный сей, / духо́вно бо возроди́ся / и по́стнически воспитáся у менé.

По мученической кончи́не твоей, / победоно́сне Никіто, / победи́ся в тебе́ естества́ чин: / трéтий бо день ви́сящу ти, / пото́ком нача́ теши́ кровь из телесе́ твоегó, / во освяще́ние ве́рных и исцеле́ние.

Недоумева́ющуюся хри́столю́бцу / о тебе́, всеизра́дне, / Господь сла́вляция Егó сла́вляй, / разсе́я мрак неверия́, / трикρά́ты возгласи́в тому́: / ве́руй непрелóжно, / яко Никіта́ есть и́стинный мученик Мой.

Сла́ва, глас 7:

Словесéм Господним внéмля, / яко в дому́ Отца́ Егó / обители́ мно́ги суть, / и, возжелéв та́мо, свя́те, обита́ти, / добродéтельми, сво́йственными́ тем обите́лем, / потща́лся еси́ себе́ украси́ти: / воздержáнием бо увяди́в плоть свою́ / и огонь страсте́й погаси́в, / возже́гл еси́ в души́ своéй огонь Божéственныя любвё, / ймже попалы́л еси́ нечэ́стие в сла́вном страда́льчестве́ твоём, / и ны́не, наслажда́ясь / пресла́дким лицезре́нием Дому́влады́ки, / не преста́й моли́тися, Никіто, / о соверша́ющих честну́ю пámять твою́.

Священномученик Никита Славянин был славянином родом из Албании. Подвизался он на Святой Горе Афонской, в Русском Пантелеимоновом монастыре, где совершал священнослужение. Спустя некоторое время он удалился в скит святой Анны, для подвига безмолвия и поста. Через некоторое время святой Никита решил быть исповедником Христа. Он оставил Афон и пришел в

город Серры (Серрес), остановился в Серронском монастыре Илиокалеос 30 марта 1808 года в Великий понедельник. Отсюда, приобщившись Святых Таин, он отправился к мечети и там стал открыто проповедовать Христа—Истинного Бога. Священномученик Никита был взят под стражу и отправлен к градоначальнику. Здесь в присутствии магометанских учителей и турецких чиновни-

ков он исповедовал Христа, а Магомета назвал лжеучителем. Святой Никита был подвергнут пыткам и издевательствам: на голову ему надевали железный венец, палили ноздри, вонзали иглы под ногти, вешали вниз головой. В Великую субботу 4 апреля 1808 года он был казнен через повешение. Перед смертью святой Никита всех простил и просил прощения у всех. В ночь казни жителями города был виден свет, освещавший всю окрестность. Только на третий день Пасхи тело священномученика Никиты разрешили взять христианам, которые передали его честному погребению. Когда один из купцов Солуни не хотел почитать Никиту священномучеником, то ему было уверение во сне от

иконы Христа, чтобы он не сомневался в истинности подвига нового мученика. В Пантелеимоновом монастыре стало известно о подвиге из письма настоятеля Серронского монастыря иеромонаха Каллиста, который описал последние дни священномученика и его кончину. Служба священномученику Никите составлена в Пантелеимоновом монастыре на Афоне.

Литература

1. Афонский патерик или жизнеописания святых, на Святой Афонской Горе просиявших. Ч. I, М., 1897, с. 305—316.
2. Филарет, епископ Черниговский. Святые южных славян. Чернигов, 1865, с. 45—46.

В
ТОЙЖЕ
ДЕНЬ

Преподобнаго Иосифа Многоболѣзненнаго, в Дальних пещерах почивающаго

Тропарь, глас 8:

Слез твоих теченьми пустыни безплодное возделал еси, / и иже из глубины въздыханьи во сто трудовъ у плодоносил еси, / и был еси светильник вселенней, сияя чудесы, / Иосифе, отче наш, / моли Христа Бога спастися душам нашим.

Кондак, глас 8:

Многолѣтне страдая в болѣзнях, / молитвою и обещанием воспріятия иночества / приыл еси здравие от Бога, / и, неленостно подвизався в Печерстей обители, / наслѣдил еси неболезненную и вѣчную жизнь, / и исцеляеши недуги чтущих тя, / преподобне Иосифе, отче наш.

Преподобный Иосиф Многоболѣзненный жил в XIV веке. В течение многих лет он страдал от различных недугов. Однажды во время тяжелой болезни святой Иосиф обратился с молитвой к Богу и дал обет: если Господь дарует ему здоровье, то он до конца своей жизни будет служить братии Киево-Печерской обители. Молитва многоболѣзненнаго страдальца была услышана. После выздо-

ровления преподобный Иосиф поступил в Киево-Печерский монастырь, где принял монашеский постриг и стал усердно трудиться в подвигах поста и молитвы, с любовью и терпением служа братии.

Погребен он в Дальних пещерах. Память его празднуется также 28 августа — в день соборной памяти святых отцов, в Дальних пещерах почивающих.